

ICFJ TL Lansa TV Online

DILI - Sentru Internasional ba Jornalista (ICFJ), Sesta (13/03), lansu programa notisia televizaun online premeira ves iha Timor Leste.

Notisia televizaun online nebe hahu husi ICFJ ne'e sei fornese notisia foun sira konaba Timor Leste iha formatu notisia minutu 30 nebe bele hare iha www.timortoday.com.

Diretor ICFJ-TL Chuck Rice hateten katak, timortoday.com sei oferta istoria oioin nebe iha impaktu ba povu TL nia moris lor-loron.

"Istoria sira ne'e bele hare iha video, audio no print no sei bele iha lian 3, ingles, tetun no portuges," informa nia.

Konaba istoria nebe sei tau iha timortoday.com, nia hateten katak, produs no hakerek husi jornalista sira husi fatin barak iha timor no jornalista sira nebe

sei uza facilidade produsaun sira nebe tau iha Uma Media Rejional lima iha Timor Leste.

Chuck haktuir liu tan katak, uma media rejional sira ne'e sentru rekursu nebe dezena ba jornalista sira no sira bele hetan asesu ba facilidade media sira, treinamentu no servisu seluk tan nebe ICFJ fornese.

"Fasilidade sira ne'e loke ona iha fatin tolu hanesan Ermera, Dili no Baukau, no tuir planu sei loke tan uma media seluk iha Suai no Oecusse," katak nia.

Konaba notisia, nia eklarese tan katak, wainhira istoria sira kompleta ona iha distritu, jornalista sira sei hatama pakote video liu husi internet nebe lais iha Uma Media sira ba sentral iha Dili hafoin halo produsaun final molok istoria refere hatama ba www.timortoday.com.

Nia informa mos katak,

jornalista sira nebe mak servisu iha Uma Media sira tuir tiha ona treinamentu no sei kontinua tan sira nia treinamentu.

Atividade ne'e, nia hatete nudar parte husi programa tinan 5 nebe hetan suporta finanseiru husi USAID ho AusAID ho fundus hamutuk \$5,5 miliaun husi programa Hametin Media Independenti.

Liu husi programa Hametin Media Independenti ICFJ servisu atu hadia abilidade jornalista Timor oan sira atu produz no disemina notisia nebe kualidade aas no haluan sira nia alkansa produtu informasaun media sira ba povu TL.

"ICFJ mos emfatiza treinamentu ba treinador jurnalismu TL nian no dezvoltamentu ba ambiente legal ida nebe permiti ema profesional media sira atu halao sira nia servisu," katak Chuck. (gin)

Fretilin Eziji Nafatin PN Fo Kareta Ba Doutor Kubanu

DILI - Bankada Fretilin eziji nafatin ba meza Parlamentu Nasional hodi fo kareta 21 nebe deputadu Fretilin sira lakohi simu ba doutor Kubanu sira hodi faselita servisu asistensia saude iha area rural.

Xefe Bankada Fretilin Aniceto Guterres ba jornalista sira, Sesta (13/03), liu husi konferensia imprensa iha sala

transporte ba sira. Tanba ne'e duke kareta refere la uza, meza parlamentu tenki buka solusaun.

"Ami bankada Fretilin hakarak fo sujestaun katak diak liu kareta 21 ne'e fo ba medikus Kubanu nebe servisu to'o ohin loron maibe laiha transporte hodi faselita sira tama sai ba area remotas. Hodi faselita ita nia pasientes timoroan, ami hare

lamentu nasional bankada receita total no fo votu kontra ba orsamentu refere. maibe partidu seluk konsege fo votu afavor atu osan refere passa. Nune'e altura neba bankada Fretilin eziji kedas ba meza katak diak liu kareta 21 ba bankada Fretilin lalika sosa duke sosa mos deputadu sira sei la simu.

"Hau hanoin desizaun la simu kareta pajero sei la impede servisu

JICA Supporta Timoroan 18 Estudu Kompa

DILI- Ajensia Japaun ba Kope-reasaun Internasional (JICA) agora perpara hela timoroan na'in 18 atu tuir estudu komparativa konaba movimentu "suku ida produtu ida" hodi aprende oinsa Tailandia efektivu ona programa ne'e.

Tuir karta komunikadu husi JICA nebe diriji mai Timor Post katak, JICA ofere se ba timor oan husi instansia oioin nebe atu ba halo estudu komparativa ida ne'e para atu aprende Thailandia promove programa Tambon/sub distritu ida produtu ida OTOP (One Tambon One Produc).

"Objetivu prinsipal hosi estudu nee mak atu aprende oinsa Tailandia promove efektivu ona programa OTOP (Tambon/sub-distritu Ida produtu Ida) no mekanizmu saida deit mak apropriadu atu bele adopta no implementa fali iha Timo-Leste," esplika tuir karta ne'e ba diario iha sesta (13/03).

Ekipa Estudu Komparativu nee kompostu hosi ofisial sira governu nian hanesan Ministeriu Agrikultura no Peska nian, Ministeriu Ekonomia no Dezenvolvimentu nian, Ministeriu Turismu, Komersiu no Industria nian, ONG sira, media, inklui mos JICA Timor-Leste.

Sesaun Pre-partida ba partisipante na'in 18 nee hala'o iha Kinta-feira, 12 Marsu 2009, tuku 09:30-12:30 iha Farol Hotel, Dili. Ofisial sira nivel mediu governu nian nebe atende sesaun nee no sei partisipa mos iha Estudu Komparativa ba Tailandia mak Adelino Pimentel do Rego, MA (Director Agrocomercio MAF), no Helder Neves, MA (Chefe da Cooperacao Internacioanl, MAF).

Fakuldade Teknika U

DILI-Fakuldade Teknika Universidade Nasional Timor Lorosa'e (UNTL) servisu hamutuk Japan International Cooperation Agency (JICA) hala'o seminariu loron ida konaba teknika iha edifisiu East Timor Development Agency (ETDA), Kinta (12/03) semana liuba.

Tuir karta komunikadu imprensa nebe dirizi mai iha Timor Post, sesta (13/03) hateten katak, seminariu ne'e atu hasa'e kapasidade ba dosente nebe hanorin iha fakuldade tenika UNTL.

Iha karta ne'e...